

SVEČANOST POVODOM 50 GODINA STUDIJA GEODEZIJE NA GRAĐEVINSKOM FAKULTETU UNIVERZITETA U SARAJEVU



Na Građevinskom fakultetu Univerziteta u Sarajevu je 13.12.2023. godine upriličena prigodna svečanost povodom velikog jubileja – 50. obljetnice pokretanja studija geodezije na tom fakultetu. Svečanom obilježavanju značajne obljetnice prisustvovali su pored uprave i akademskog osoblja Građevinskog fakulteta i nekadašnji nosioci nastavnog procesa na Odsjeku za geodeziju, kao i veliki broj nekadašnjih studenata geodezije na Građevinskom fakultetu, a danas diplomiranih inženjera s ozbiljnom reputacijom, cijenjenih i dokazanih stručnjaka u našoj zemlji. Mnogobrojnim prisutnim zvanicama obratio se prof. dr. Admir Mulahusić, rukovodilac Odsjeka za geodeziju i geoinformatiku Građevinskog fakulteta UNSA. Bila je to prilika da se rekapitulira razvojni put univerzitetskog studija geodezije na Građevinskom fakultetu tokom 50 prethodnih godina, i istakne njegov izuzetan značaj za cjelokupnu geodetsku zajednicu u Bosni i Hercegovini, ali i šire.

Povodom 50. obljetnice funkcionisanja Odsjeka za geodeziju i geoinformatiku upućuju se iskrene čestitke uz želje da Odsjek i Građevinski fakultet i ubuduće djeluju za opšte dobro i sveukupni napredak geodetske djelatnosti Bosne i Hercegovine.

Irfan Kereš